



XUNTA
DE GALICIA



CONVENIO DE COLABORACIÓN ENTRE A ENTIDADE PÚBLICA EMPRESARIAL AUGAS DE GALICIA, O ENTE PÚBLICO PORTOS DE GALICIA E O CONCELLO DE RIANXO EN RELACIÓN COAS ACTUACIÓNS NO DOMINIO PÚBLICO PORTUARIO PARA A EXECUCIÓN E MANTEMENTO DAS OBRAS “COLECTOR INTERCEPTOR E TANQUE DE TORMENTAS EN RIANXO. CONCELLO DE RIANXO (A CORUÑA)” E “AMPLIACIÓN DA EDAR DE RIANXO. TÉRMINO MUNICIPAL DE RIANXO (A CORUÑA)”

Santiago de Compostela, 11 de xullo de 2018

REUNIDOS



Dunha parte, Beatriz Mato Otero, conselleira de Medio Ambiente e Ordenación do Territorio, en nome e representación da entidade pública empresarial Augas de Galicia, con domicilio a efectos deste convenio en Praza Camilo Díaz Baliño 7-9 ; 15781- Santiago de Compostela (A Coruña), no exercicio das funcións atribuídas polos artigos 13 da Lei 9/2010, do 4 de novembro e 6 do Estatuto da entidade pública empresarial Augas de Galicia, aprobado polo Decreto 32/2012, do 12 de xaneiro.



Doutra parte, José Juan Durán Hermida, Presidente do ente público Portos de Galicia, con domicilio a efectos deste convenio en Plaza de Europa, nº 5A - 6º Planta; 15071 Santiago de Compostela (A Coruña), actuando en nome e representación deste en virtude das facultades que a tal efecto lle confiren os artigos 6.3 g) da Lei 5/1994, de 29 de novembro, de creación do ente público Portos de Galicia e o artigo 9h) do Decreto 227/1995, do 20 de xullo polo que se aproba o Regulamento do Ente.

E doutra parte, Adolfo Francisco Muíños Sánchez, alcalde do concello de Rianxo, con domicilio a efectos deste convenio en Praza de Castelao, 1; 15920 Rianxo (A Coruña), no exercicio das atribucións conferidas no artigo 21.1.b) da Lei 7/1985, de 2 de abril, reguladora das bases do Réxime Local.

Todas as partes recoñécense mutuamente na calidade en que interveñen coa capacidade legal necesaria para o outorgamento deste convenio e para o efecto

EXPOÑEN

O 21.09.2017 asinouse un convenio de colaboración entre a entidade pública empresarial Augas de Galicia e o Concello de Rianxo para a execución de actuacións de “*Mellora dos sistemas de saneamento e depuración na Ría de Arousa. Aglomeración en Rianxo. Concello de Rianxo (A Coruña)*”, cofinanciada pola Unión Europea a través do Fondo Europeo de Desenvolvemento Rexional (FEDER) nun 80%, no marco do Programa Operativo FEDER Galicia 2014-2020, por un importe de catorce millóns trescentos vinte e cinco mil trescentos seis euros (14.325.306,00 €).





XUNTA
DE GALICIA



No marco do antedito convenio Augas de Galicia vai levar a cabo as actuacións consistentes na contratación da execución das actuacións descritas nos seguintes proxecto e anteprojecto construtivo, respectivamente:

- “Colector interceptor e tanque de tormentas en Rianxo (A Coruña)”, clave OH.315.1107
- “Ampliación da EDAR de Rianxo. Término municipal de Rianxo (A Coruña)”, clave OH.315.1106

Coas citadas actuacións preténdese acometer unha ampliación da EDAR de Rianxo, así como a execución dun colector-interceptor e un tanque de tormentas que permitan acadar un funcionamento óptimo do sistema de saneamento e depuración co fin de minimizar os vertidos á ría de Arousa. Para elo Augas de Galicia ten previsto licitar:

- Por unha banda, un contrato polo trámite ordinario e procedemento aberto para a contratación das obras definidas no proxecto “Colector interceptor e tanque de tormentas en Rianxo (A Coruña)”, clave OH.315.1107.
- E por outra, un contrato polo trámite ordinario e procedemento aberto para a contratación da elaboración do proxecto e execución a obra da “Ampliación da EDAR de Rianxo. Término municipal de Rianxo (A Coruña)”, clave OH.315.1106.

Para a execución das obras de referencia cómpre ocupar terreos pertencentes ao Dominio Público Marítimo-Terrestre e Zona de Servidume, e están incluídas na zona de adscrición do Porto de Rianxo, competencia de Portos de Galicia de conformidade co estipulado na Lei 5/1994, de creación do ente Portos de Galicia.

O 23.04.2015 Portos de Galicia informou favorablemente o conxunto das actuacións referidas e o 13.07.2017 informou favorablemente o proxecto construtivo denominado “Colector interceptor e tanque de tormentas en Rianxo (A Coruña)”, de clave OH.315.1107.

A execución de infraestruturas de saneamento coma as que se pretende acometer resulta beneficiosa non só para a vila, senón tamén para a explotación futura das instalacións portuarias.

Por iso, dado o interese coincidente de todas as partes na execución desta obra, acordan regular as súas relacións en relación coa posta a disposición de terreos, execución, titularidade, mantemento, limpeza e mellora da parte da obra que discorre polo Porto de Rianxo, que figura no anexo I, e formalizan este convenio, de acordo coas seguintes



CLÁUSULAS

PRIMEIRA.- OBXECTO

É obxecto deste convenio establecer as condicións básicas para a colaboración entre a entidade pública empresarial Augas de Galicia, o ente público Portos de Galicia e o concello de Rianxo, para determinar as condicións nas que o ente público Portos de Galicia autoriza a execución das obras que se definen no proxecto e anteprojecto que a continuación se detallan, na parte que se desenvolve no dominio público portuario (no Porto de Rianxo) e pon a disposición libres de cargas os terreos que resulten necesarios para a execución das citadas obras na zona do Porto de Rianxo:

- Proxecto do “Colector interceptor e tanque de tormentas en Rianxo (A Coruña)”, de clave OH.315.1107
- Anteprojecto da “Ampliación da EDAR de Rianxo. Termo municipal de Rianxo (A Coruña)”, de clave OH.315.1106.

Concretamente o dominio público portuario no que se desenvolverán as citadas actuacións reflíctese no plano anexo a este convenio, si ben poderá producirse lixeiras variacións na fase de redacción do proxecto da EDAR.

SEGUNDA.- OBRIGAS DAS PARTES

A.- OBRIGAS DA ENTIDADE PÚBLICA EMPRESARIAL AUGAS DE GALICIA

Para o cumprimento do obxecto deste convenio, Augas de Galicia obrígase a:

1 Respetar as actuacións establecidas na execución das obras no Porto de Rianxo definidas nos proxectos “Colector interceptor e tanque de tormentas en Rianxo (A Coruña)”, de clave OH.315.1107 e no anteprojecto “Ampliación da EDAR de Rianxo. Termo municipal de Rianxo (A Coruña)”, de clave OH.315.1106

2 Así mesmo:

- Unha vez esta redactado o proxecto da EDAR deberá ser remitido a Portos de Galicia para informe preceptivo. No citado informe deberá terse en conta os requirimentos expresados nos informes emitidos por Portos de Galicia en datas 23.04.2015 e 13.07.2017.
- Velar porque a reposición dos pavimentos afectados igualem ou superen as actuais prestacións en canto a calidade (pavimento de formigón e aglomerado asfáltico) e dimensionamento (espesores, composición, densidades, etcétera), tendo en conta ademais a sinalización viaria final dos pavimentos a repoñer. No caso dos viarios, deberá repoñerse todo o viario afectado polas obras con pavimentos ou firmes con capacidade suficiente para soportar o tráfico de vehículos pesados xerados no porto. Previamente ao inicio dos traballos de reposición deberá contarse coa aprobación expresa dos servizos técnicos do ente público Portos de Galicia.

- Adoptar as medidas e procedementos construtivos axeitados co fin de garantir en todo momento a normal explotación portuaria, no relativo á incidencia dos traballos no porto, en especial no referente á entrada e saída de embarcacións e dos vehículos do tráfico portuario.
 - Garantir a reposición dos servizos afectados sen que se interrompa o servizo subministrado. Calquera obra de afección destes servizos deberá contar coa supervisión expresa do persoal de Portos de Galicia.
 - Tomar as máximas medidas de seguridade para evitar calquera tipo de polución ou contaminación tanto na zona portuaria coma nas proximidades, quedando expresamente prohibido o vertido de residuos ao mar, debendo cumprir en cada momento coa normativa vixente nestas materias.
 - Tendo en conta a natureza dos terreos da zona portuaria, deberanse establecer os procedementos construtivos axeitados e medidas de seguridade co fin de evitar calquera dano as persoas, edificacións e instalacións existentes.
- Manter en bo estado o dominio público portuario, así como de mantelo en perfectas condicións de limpeza, hixiene e seguridade.

3 Calquera modificación dos proxectos, así como a execución de obras non contempladas no mesmo requirirá a previa autorización de Portos de Galicia.

4 Antes do comezo das obras deberá ter lugar a implantación delas, para o que Augas de Galicia citará ao Concello de Rianxo e ao ente público Portos de Galicia, para delimitar e definir axeitadamente sobre o terreo as actuacións en zona portuaria. Neste acto concretarase sobre o terreo o trazado preciso dos elementos de saneamento, que poderá ser reaxustado co fin de facelo compatible coa normal explotación portuaria, debendo ter o visto bo da Xefa da Zona Centro de Portos de Galicia.

En caso de modificación do establecido na acta de implantación, e previamente a calquera execución, citarase a comisión de seguimento establecida na cláusula V quen resolverá as posibles discrepancias que puideran xurdir.

5 No ámbito das súas facultades, afrontar e intentar resolver conforme aos principios de boa fe e lealdade, as dificultades ou problemas que podan xurdir no desenvolvemento deste convenio.

A formalización deste convenio non implica no seu desenvolvemento e execución compromisos adicionais de gasto respecto dos comprometidos e asumidos no convenio subscrito entre a entidade pública empresarial Augas de Galicia e o Concello de Rianxo o 21.09.2017.

B.- OBRIGAS DO CONCELLO DE RIANXO

Para o cumprimento do obxecto deste convenio, o Concello de Rianxo obrígase a:

Respecto ás relacións co ente público Portos de Galicia, unha vez que as obras estean rematadas, e dado que o concello asumirá a súa titularidade de conformidade co estipulado no *convenio de colaboración subscrito o 21.09.2017*

entre a entidade pública empresarial Augas de Galicia e o Concello de Rianxo para a execución de actuacións de “Mellora dos sistemas de saneamento e depuración na Ría de Arousa. Aglomeración en Rianxo. Concello de Rianxo (A Coruña)”, cofinanciada pola Unión Europea a través do Fondo Europeo de Desenvolvemento Rexional (FEDER) nun 80%, no marco do Programa Operativo FEDER Galicia 2014-2020:

- 1 Asumir a explotación, conservación, mantemento e limpeza da obra realizada nos terreos de dominio público portuario, correspondéndolle o mantemento da rede de saneamento executada. Para elo comprométese a solicitar a Portos de Galicia con carácter previo á finalización das obras a formalización do título administrativo que corresponda para regular a fase de explotación das obras existentes e construídas.
- 2 Asumir as responsabilidades que fronte a terceiros puidesen xurdir derivadas da posesión, disposición e utilización da infraestrutura de saneamento autorizada, quedando Portos de Galicia eximido de toda responsabilidade neste extremo.
- 3 Correr co pago de tódolos tributos que xere a explotación das instalacións de saneamento, incluída a repercusión que do IBI correspondente lle presentará Portos de Galicia, se non procedera a recoller estas instalacións no padrón do IBI como exentas deste imposto.

C.- OBRIGAS DO ENTE PÚBLICO PORTOS DE GALICIA

Para o cumprimento do obxecto deste convenio, o ente público Portos de Galicia obrígase a:

- 1 Autorizar a execución das obras do proxecto e anteprojecto de referencia, podendo supervisar en calquera momento a súa execución. No caso de detectar desviacións ou deficiencias na execución da obra, poñerá esta circunstancia en coñecemento da dirección da obra e, de existir dano, convocará inmediatamente á Comisión de Seguimento.
- 2 Poner a disposición libres de cargas os terreos que resulten necesarios para a execución das obras na zona do Porto de Rianxo para o normal desenvolvemento das obras.
- 3 Autorizar a intervención de Augas de Galicia e do concello de Rianxo na zona do Porto de Rianxo para o cumprimento das obrigas derivadas deste convenio.
- 4 As anteriores autorizacións, nin os pactos e as obrigas estipuladas neste convenio, supoñen alteración da titularidade ou cualificación xurídica dos bens e dereitos portuarios afectados.

Calquera modificación do proxecto das obras que afecte á zona do Porto de Rianxo, deberá contar coa autorización expresa de Portos de Galicia.

TERCEIRA. COMISIÓN DE SEGUIMIENTO

Constituirase, a iniciativa de calquera das partes, unha comisión formada por dous representantes de cada unha das partes para desenvolver as seguintes actuacións:

- Impulsar e avaliar o cumprimento deste convenio, propoñendo as actuacións que se consideren precisas.
- Interpretar, en caso de dúbida, o contido do convenio.
- Propoñer ás partes a resolución das posibles controversias que puideran xurdir na aplicación do convenio.

Esta comisión reunirase as veces que se estimen oportunas para o cumprimento do convenio.

Os membros desta comisión de seguimento poderán asistir ás reunións desta acompañados do persoal técnico que consideren oportuno. Ademais, cando se considere oportuno, a Comisión de Seguimento poderá requirir a asistencia técnica necesaria para a avaliación e análise das distintas cuestións sobre as que deban adoptarse acordos.

CUARTA. NATUREZA E RÉXIME XURÍDICO

Este convenio de colaboración ten natureza administrativa, rexendo na súa interpretación e desenvolvemento o ordenamento xurídico-administrativo, e supletoriamente, polos principios da Lei 9/2017, de 8 de novembro, de contratos do sector público, e da Lei 40/2015, do 1 de outubro, de Réxime Xurídico do Sector Público.

Todo litixio, controversia ou reclamación resultantes deste convenio ou relativo a este, a súa interpretación ou execución, o seu incumprimento, resolución ou nulidade, resolverase pola xurisdición contencioso-administrativa.

QUINTA. MODIFICACION DO CONVENIO.

As modificacións formalizaranse mediante addenda a este convenio cos mesmos requisitos e condicións que para a aprobación do convenio.

SEXTA. -CAUSAS DE RESOLUCIÓN.

As dúbidas que se presenten na súa interpretación, en caso de discrepancias, serán resoltas, visto o informe da Comisión de Seguimento, pola Presidencia de Portos de Galicia, poñendo fin á vía administrativa.

Serán causas de extinción do convenio:

- O non cumprimento do seu obxecto.
- A inviabilidade da realización das actuacións descritas neste convenio por causas non imputables ás partes.
- A denuncia por causas de interese público a instancia de calquera das partes.

- O transcurso do prazo de vixencia do convenio sen acordarse a prórroga do mesmo.
- O acordo unánime de todos os asinantes.
- O incumprimento das obrigacións e compromisos asumidos por parte dalgún dos asinantes.

A este efecto o incumprimento poderá ser de carácter total ou parcial de calquera das cláusulas do convenio. Entenderase por incumprimento parcial aquel que implica en maior ou menor grado a non consecución dos fins propios do convenio ou impidan de xeito directo ou indirecto as actuacións previstas nel.



Neste caso, calquera das partes poderá notificar á parte incumpridora un requirimento para que cumpra nun determinado prazo coas obrigacións ou compromisos que se consideran incumpridos. Este requirimento será comunicado ao responsable do mecanismo de seguimento, vixilancia e control da execución do convenio e ás demais partes asinantes. Se transcorrido o prazo indicado no requirimento persistise o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá levar a indemnización dos prexuízos causados, estes prexuízos taxáranse contraditoriamente polas partes.

- Por decisión xudicial declaratoria da nulidade do convenio.
- Por calquera outra causa distinta das anteriores prevista no convenio ou noutras leis.

Cada unha das situacións descritas por si soa é causa suficiente da resolución do convenio.

No caso de extinción anticipada, por algunha das causas anteriores, e respecto ás actuacións en curso, a liquidación deste convenio axustarase ó que segue:

Remataranse as accións e expedientes administrativos e xa iniciadas que aínda estean sen rematar.

Sen prexuízo do anterior, o convenio, de acordo co art. 51 da Lei 40/2015 extinguirase polo cumprimento das actuacións que constitúen o seu obxecto ou por incorrer en causa de resolución.


SÉTIMA.- INEXISTENCIA DE RELACIÓN CONTRACTUAL



Este convenio non supón asociación algunha ou dependencia entre o persoal dependente das partes asinantes, que actuarán de xeito absolutamente independente e autónomo, sendo obriga específica e exclusiva de cada unha delas cumprir con cantas obrigas legais que como empregadores lle correspondan no desenvolvemento da súa actividade ao abeiro deste convenio. Deste xeito, a subscripción do presente convenio non comportará relación laboral, contractual ou de calquera outro tipo entre as partes asinantes deste convenio e os profesionais e empresas que por conta das partes asinantes desenvolvan as actividades obxecto



**XUNTA
DE GALICIA**



deste convenio; de tal xeito que non se lle poderá esixir responsabilidade algunha directa, indirecta ou subsidiariamente polos actos ou feitos acaecidos no desenvolvemento do mesmo.

OITAVA. RESPONSABILIDADE FRONTE A TERCEIROS

1. Habida conta dos riscos que se podan derivar na utilización das instalacións para o fin a que están destinadas, será responsabilidade do Concello de Rianxo responder dos danos que se deriven a terceiros polo cumprimento defectuoso das obrigas que asumen por medio de este convenio.

2. A responsabilidade aquí establecida se establece nos termos do artigo 33 da Lei 40/2015, de 2 de outubro, de Réximen xurídico do Sector Público, e a competencia para instruír o expediente de reclamación patrimonial, correspónderalle a Portos de Galicia.

NOVENA.- PUBLICIDADE

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG nº 149 do 3 de agosto).

DÉCIMA. VIXENCIA DO CONVENIO

Este convenio entrará en vigor ao día seguinte ao da súa sinatura, estendendo a súa vixencia durante o tempo de execución das obras e o seu prazo de garantía; en todo caso a data límite da súa vixencia será o 30.06.2021.

E para que así conste, en proba de conformidade coas cláusulas deste convenio, asinan as partes o presente documento por triplicado exemplar, no lugar e data do encabezado

O presidente de Portos de Galicia

José Juan Durán Hermida



O alcalde de Rianxo

Adolfo Francisco Muíños Sánchez

A presidenta de Augas de Galicia

Beatriz Mato Otero

ANEXO I. Plano no que se reflicte o dominio público portuario no que se desenvolverán as actuacións de claves OH.315.1106 e OH.315.1107





LEYENDA	
	Pozos hasta 1,5 m
	Pozos hasta 2,5 m
	Pozos hasta 3,5 m
	Pozos hasta 4,5 m
	Pozos hasta 5,5 m
	Punto replanteo impulsión
	Red proyectada PVC Ø400
	Red proyectada PVC Ø630
	Red proyectada PVC Ø800
	Red proyectada PVC Ø1200
	Impulsión
	Red existente fcales
	Red existente puertos
	Red existente impulsión
	Tx - Px
	Nombre de tramo N° de pozo

LEYENDA	
	ZONA DE SERVICIOS DEL PUERTO



COLEGIO DE INGENIEROS DE CAMINOS,
CANALES Y PUERTOS.
GALICIA


Expediente

26884/PR/61

Fecha

A Coruña
29/12/2017

VISADO



	CONSULTOR	 egis oysyer Applus [®]			TÍTULO DEL PROYECTO	CLAVE	FECHA	ESCALA	NOMBRE DEL PLANO	Nº PLANO
AUGAS DE GALICIA CONSELLERÍA DE MEDIO AMBIENTE TERRITORIO E INFRAESTRUTURAS						CH-315.1080	Septiembre 2015	0 40 80 m	PLANTA GENERAL	1
UTED ERE EYER L APULUS INGENIEROS						PROVINCIA _____ A CORUÑA				
						TERMINO MUNICIPAL _____ RIANSO				